



सा:गु भिंगु मरिचरिया नितिं लुमंका दिसै !

लक्ष्मण गजमाल /चिलिमि'
प्रोप्राइटर

लाखा छै
LAKHA CHHEN

सोन्हुष्टे, वडा नं. १६, यै, फोन नं.: ४५६०७५८

जेनजी आन्दोलन लिपा थीथी पार्टीइ हलचल न्हूगु पुस्तायात नेतृत्व हस्तान्तरण जुइ ला ?

लहना वा:पौ/जेनजी आन्दोलन लिपा फुक्कं धयार्थे राजनीतिक पार्टी दुने हलचल जूगु दु। जेनजी आन्दोलन लिपा हे नेकपा माओवादी केन्द्र थ:गु केन्द्रीय समिति भंग याना: विशेष महाधिवेशन यायेगु घोषणा यायेधुंकूगु दु। माओवादी केन्द्र मसिरया लिपांगु वालय् विशेष महाधिवेशन यायेगु घोषणा या:गु ख:। वंगु आइतवा: च्वंगु केन्द्रीय पदाधिकारीया बैठकं केन्द्रीय समितियात आयोजक समितिइ हिलेगु निर्णय या:गु ख:।

जेनजी आन्दोलन लिपा नेतृत्व हिलेगु दबाव लानाच्वंगु अवस्थाय् माओवादी केन्द्रया पदाधिकारी बैठकय् अध्यक्ष पुष्पकमल दाहाल हिलाकुं परिस्थिति कथं विशेष महाधिवेशन यायेगु प्रस्ताव त:गु ख:। माओवादीयात ल्याय् म्ह पुस्तायात जिम्मा बिय: पुनर्गठन यायेत तयार दुगु खँ अध्यक्ष दाहाल धा:गु ख:।

उकथं हे माओवादी विशेष अधिवेशन खुला प्रतिस्पर्धा न्हूगु नेतृत्व ल्यइगु जूगु दु। थ्व स्वयां न्हय: पार्टीया उपमहासचिव जनार्दन शर्मा छम्ह हे



व्यक्ति ता: ई तक पार्टी कब्जा यानाच्वंगु धासै नेतृत्व हिलेमा:गु प्रस्ताव तया वयाच्वंगु ख:सां नं पार्टी उकियात बेवास्ता याना वयाच्वंगु ख:। तर जेनजी आन्दोलन लिपा दाहाल न्हू पुस्तायात नेतृत्व हस्तान्तरण यायेत तयार जूगु खँ दाहाल थम्हेस्यां प्रस्ताव या:गु दु।

माओवादी २०७८ पुसय् च्याक्व:गु महाधिवेशन या:गु ख:सा

नेतृत्व हस्तान्तरण धा:सा जुइ मफयाच्वंगु ख:। माओवादी दुने प्रत्यक्ष निर्वाचित केन्द्रीय समिति व नेतृत्व ल्ययेमा:गु माग जूसां नं दाहाल उकियात बेवास्ता याना वयाच्वंगु ख:।

जेनजी आन्दोलन लिपा आन्दोलन ल्हवंगु हिउपा:या माग तत्काल सम्बोधन याना: वनेगु कि यथास्थितिइ पार्टी न्ह्याकेगु धइगु बारे कांग्रेस दुने निगू

धार अप्वया वनाच्वंगु दु। कांग्रेस दुने महामन्त्रीपिं गगन थापा व विश्वप्रकाश शर्मा सहितया पुचल तत्काल पार्टीया नीति व नेतृत्व हिलेमा:गु निष्कर्ष पिकासै महाधिवेशन वनेमा:गु खँ धयाच्वंगु दुसा संस्थापन पक्ष धा:सा उकियात कया: विरोध यानाच्वंगु दु।

विशेष महाधिवेशनया स:तेत महामन्त्रीपिं थापा व शर्मा यानाच्वंगु

गतिविधियात कया: संस्थापन पक्ष धा:सा असन्तुष्ट जुयाच्वंगु दु। नेता प्रकाशमान सिंहया चाक्सीबारी च्वंगु निवासय् वंगु सोमवा: च्वंगु न्याम्ह पुलापिं पदाधिकारीतय्सं धा:सा थ्वहे वइगु मसिरय् विशेष महाधिवेशन वा नियमित महाधिवेशन याये मफइगु निष्कर्ष पिका:गु दु। बैठकय् उपस्थित जूपिं पुलापिं पदाधिकारी विमलेन्द्र निधि, कृष्णप्रसाद सिटौला, शशांक कोइराला, प्रकाशमान सिंह व प्रकाशशरण महतापि उपस्थित जूगु ख:।

तर कांग्रेसया ल्याय्म्ह पुस्ताया नेतातय्सं धा:सा केन्द्रीय समिति निर्णय मयात धा:सा थ:पिसं हस्ताक्षर संकलन याना: जूसां नं विशेष महाधिवेशन स:तेगु तयारी यानाच्वंगु दु। कांग्रेस महाधिवेशन प्रतिनिधिपिं मध्ये ४० प्रतिशत हस्ताक्षर सहित निवेदन बिल धा:सा सभापति स्वलाया दुने विशेष महाधिवेशन स:तेमा:गु कांग्रेसया विधानय् व्यवस्था यानात:गुलिं उगु हे लैपुइ लिना: जूसां नं विशेष महाधिवेशन यायेगु तयारी यानाच्वंगु ल्यं ७ पेजय्

थुगुसी कुमारी हिलीगु



लहना वा:पौ/ यैया कुमारी छैय् च्वनाबिज्याइम्ह जीवित देवी श्री कुमारी थुगुसी हिलीगु जूगु दु। कुमारी छैय् च्वनाबिज्या:म्ह वर्तमान कुमारी तृष्णा शाक्य आसनय् च्वनाबिज्या:गु च्यादै दयेधुंकूगु दु। आसनय् दुम्ह कुमारीयात रजस्वला जुइगु उमेरय् थंका: रजस्वला जुइ न्हय: हे आसन क्वकया: न्हूम्ह कुमारीयात मोहनिया इलय् पलिस्था याइगु चलन दु।

न्हूम्ह कुमारी मालेगु लागिं

संघं यैया १६ गू बहा:यात पौ छ्वया: इच्छुकापिसं थ: म्हायूमचाया नां व जात: छ्वया हयेत इनाप या:गु ख:। लिसें कुमारी जुइगु लागिं गज्या:पिं मस्त जुइमा: धका: छगू मापदण्ड नं दयेकूगु दु। संघं दयेकूगु मापदण्डय् गुंगू बुँदा दु। उकी धयात:कथं कुमारी जुइम्ह मचा विशुद्ध शाक्य कुलया कुलपुत्री जुइमा:, नापं बूपिं (जुम्ल्याहा) मचा जुइ मजिउ, छुं नं घा:खू मदयेमा:, दीर्घरोगी जुइ मजिउ,

ल्यं ७ पेजय्

Trendiest Fashion
At Price You Love

ufo the clothing store
#EMPRESSOIRWITITUDE

तांतव:या पासा
कुल्फी व आइसक्रीम
भपिया दिसै।

Himalayan Ice

घौ, दुरु, घ्या:, बटर व
क्रिम बजारय् उपलब्ध दु

सुर्यविनायक नगरपालिका, वडा नं. १, मिस्टार धनसार, ख्वप
४२०८६०८७२५, ४२४४६४८३२५



नेवाः राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



लुतपात याःपिंत याकनं कारवाही याः

जेनजी आन्दोलनया इवलय् खनेदूगु अराजकता व वयां लिपा सरकारी मौनतां तसकं शंकास्पद खनेदु। आन्दोलनया भूवल्य जूगु विरोध प्रदर्शन राजनीतिक अधिकार छ्यलेगु स्वस्थ अभ्यास मखु, बरु गुलिखे पुचलं उगु अवसरयात छ्यलाः व्यवस्थित रुपं देय् यात मिं तयेगु व धुलं छ्वाकेगु ज्या जूगु दु। सरकारी व निजी सम्पत्ति, नेतातय्गु निवास, ज्याकुथि, पसः, बैंक व सर्वसाधारण नागरिक तयेगु छँय् आक्रमण जूगुलि गम्भीर न्ह्यसः ब्वलंगु दु। जेनजीया नामं अराजकता ब्वलंकूपिं विरुद्ध छाय् कारवाही प्रक्रिया मन्ह्याकूगु ? प्रहरीं आःतक संकलन याःगु तथ्यांकं घटनाया गम्भीरता स्पष्ट क्यंगु दु। प्रहरी प्रधान ज्याकूया कथं जेनजी आन्दोलनया नामय् तोडफोड व लुटपाट याःपिं दः प्रतिशत मन्तयगु हैसियत म्हसिकेगु ज्या जुइ धुंकूगु दु। थीथी क्षेत्रय् ब्यागलं ब्यागलं पुचः परिचालन यानाः उमिगु गतिविधि अनुगमन यायेगु ज्या न्ह्याकेधुंकूगु दु। उगु लुटपाट याःपि भारतय् वनेधुंकूगु नं अनुमान जुयाच्चंगु दु। थुकथं सम्बन्धित मन्तयगु प्रोफाइल तयार जुइ धुंकूगु दुसां गृह मन्त्रालयं आः तक छुं कथंया कारवाही यायेगु प्रक्रिया न्ह्यःने हःगु मदुनि। अज्याःगु ज्या याःपिसं थःत सामाजिक संजालय् ‘सामाजिक कार्यकर्ता’ धकाः न्ह्यब्वयेगु ज्या यानाच्चंगु दु। वास्तवय् राज्यं अपराधीतय् कारवाही यायेत लिबाकूगु हे अराजकतायात सामान्य यायेगु, दोषीयात हिरोया कथं म्हसिकेगु व पीडिततय् घाःपाः यायेगु ज्या जुयाच्चंगु दु। सरकार छाय् सुम्क च्वनाच्चन ? धइगु छगू गम्भीर न्ह्यसः न खः। सरकारं उजं मब्यूतले प्रहरी कारवाही यायेगु ज्या न्ह्याके फइ मखु। आदेश वयेवं हे गिरफ्तारी सुरु जुइगु प्रहरी अधिकारीतय्सं हे धाःगु दु। अय् नं अर्डर गुबलय् वइ ? राजनीतिक हिसाबया आधारय् देय् स्याकाच्चपिंत ज्वनेगु लिबाकेगु ज्यां दीर्घकालीन लिच्चः लाकी। नेपालय् विगतय् राजनीतिक विरोध व सतक विरोधया नामय् आपालं धनजन क्षति जूगु नेपाःया इतिहास थ्व हे न्हापांगु खः।

तर अपराधीया पहिचान जूसां नं कारवाही मयायेगु प्रवृत्ति दोहोरे जुयाच्चंगु दुर्भाग्यया खँ खः। न्हापां – आन्दोलनय् वा भीडय् ब्वति कयाः छुं नं अपराधपाखें अःपुक हे मुक्त जुइ, निगूगु – राज्य कमजोर व अपराधी शक्तिशाली। थ्व निगुलिं बिचाः लोकतन्त्र व कानूनया शासनया निंतिं घातक खः। सरकारं स्वंगू तहलय् तत्काल कारवाही यायेमाःगु आवश्यकता दु। न्हापां – प्रहरीयात कारवाही यायेत स्पष्ट आदेश बीमाः। यदि अपराधीत म्हसीके धुंकल धाःसा लिबाकेगु छुं कारण मदु। निगूगु – पुनःनिर्माण वा राहतया नामय् ज्या यानाच्चंगु धकाः सामाजिक छवि छ्यलीपिंत बेवास्ता यायेमजिगु। समाजसेवां अपराधयात त्वःपुइ दइमखु धइगु सशक्त सन्देश बीमाः। स्वंगूगु – भविष्य थुज्वःगु घटना दोहोरे मजुइकेत कानूनी व संस्थागत सुधार आवश्यक दु। अराजक भीडभाडयात नियन्त्रण यायेत आधुनिक रणनीति, प्रविधि व कानूनी स्पष्टता अपरिहार्य जुइधुंकल।

सरकार सुम्क च्वनीबलय् अपराधीत आत्मविश्वासी जुइ, प्रहरी निराश जुइ, जनतां राज्यप्रति भ्रन हे अविश्वास याइ। राज्यया मौनता अपराधीया निंतिं ढाल जुइ, तर जनताया निंतिं घाः जुइ। थ्व मौनता आः त्वाःथले हे माः।

जेनजी आन्दोलनलिपा दलीय राजनीति



दिलिप शाही “शान्तिचञ्जु”

जेनजी आन्दोलनया कारणं यानाः नेपाः फुक्कं धयाथें राजनीतिक पार्टीयात कयाः न्ह्यसः ब्वलंगु दु। जेनजी आन्दोलन मूलतः देशय् व्याप्त जुयाच्चंगु भ्रष्टाचार बेथिति व सरकारं बन्द याःगु सामाजिक सञ्जाल चायेकेमाःगु माग यासैं जूगु आन्दोलन खः। तर आन्दोलन व्यवस्थित शान्तिपूर्ण जुइ मफयेवं आन्दोलनं बिचाः हे मयाःगु अवस्था वल।

न्हापांगु न्हिया आन्दोलनय् १९ म्ह प्रदर्शनकारीत सीवं भदौ २४ गतेया आन्दोलन थप उग्र जुल। उग्र जूगु हुलं देय्या प्रमुख प्रशासनिक क्षेत्र सिंहदरबारया लिसैं थीथी थासय् मिं तयेगु ज्या यात। अभ्र गुलिखें अवस्थाय् सुरक्षाकर्मी हे लिचिलेमाःगु जक मखु बिसिउँ वनेत तक बाध्य जुल। आन्दोलनया इवलय् नेपाल प्रहरीयात ग्वाहालि मजूगु खँ नं पिहां वयाच्चंगु दुसा मेखे सुरक्षास्थिति नियन्त्रण यायेगु निंतिं सरकारं नालेमाःगु गुलिखें सुरक्षा योजना मनाःगु कारणं यानाः आन्दोलन थप उत्तेजित जूगु खः धइगु विश्लेषण नं जुयाच्चंगु दु। आन्दोलनं प्रधानमन्त्री लिसैं थीथी राजनीतिक दलया नेता कार्यकर्ताया छँय् तकं आक्रमण यायेगु ज्या जुल। थुकथं नेतातय् छँय् आक्रमण याःगु कारण धाःसा नेतृत्व पीक भ्रष्ट जूगुलिं खः धइगु खँ स्पष्ट जुइधुंकूगु दु। विशेष यानाः नेपाःया राजनीति एमाले, कांग्रेस व माओवादी पार्टी दथुइ चाःहिलाच्चंगु आः मखु। तर देशय् व्याप्त भ्रष्टाचार धाःसा म्हो मजू। गुकिया कारणं यानाः जनता आजित जुइधुंकूगु खः।

लिपांगु इलय् वयाः माओवादी नेतृत्वया सरकार नीस्वनेवं छुं छुं भ्रष्टाचारया फाइल चायेकेगु ज्या जूगु खः। अज्याःगु फाइल मध्ये लुं तस्करी काण्ड, गिरी बन्धु टिस्टेट काण्ड, भुटानी शरणार्थी काण्डया फाइल चायेकेगु ज्या याःगु खः। अज्याःगु फाइल चायेकेगु इवलय् थीथी राजनीतिक पार्टीया शीर्ष नेतातय् संलग्न जूगु खँ सार्वजनिक जूगु खः। अभ्र ला नेपाली कांग्रेसया सभापति शेरबहादुर देउवाया जहान आरजु देउवा नं छुं नं इलय् ज्वने फइगु व लिसैं एमालेया हे छुं नेतातय् नं ज्वने फइगु खँ वयेवं पुष्पकमल दाहालया सरकारं क्वथलेगु ज्या चांचां जूगु खः। उगु इलय् कांग्रेस सभापति शेरबहादुर देउवा थः जहानलिसे एमाले अध्यक्ष केपी शर्मा ओली नापलाःगु जक मखु। वयां छुं ई लिपा हे प्रधानमन्त्री पुष्पकमल दाहालया सरकार क्वःदःगु

खः। वयां लिपा गठन जूगु कांग्रेस एमालेया सरकारं पुष्पकमल दाहाल नेतृत्वया सरकारं न्ह्याकूगु भ्रष्टाचार सम्बन्धी फाइल थाँति लात।

एमाले अध्यक्ष केपी शर्मा ओली प्रधानमन्त्री जुइवं छखे पुष्पकमल दाहाल नेतृत्वं छानबिन याःगु भ्रष्टाचारया फाइल बन्द जूगु जक मखु भ्रष्टाचार अभ्र संस्थागत जुइगु ज्या जुल। गुकिं यानाः जनता सरकारं खनाः भ्रन जक तंम्वःगु खः। देय्या ल्याय्म्ह पुस्ता ताः ई निसैं न्हयानाच्चंगु विकृति विसंगति निर्मूल यायेमाः धकाः आन्दोलन यानाच्चंसां नं राजनीतिक पार्टीतय्सं उकियात मखंछु यानाच्चंगु लिच्चः खः जेनजी आन्दोलन। राजनीतिक पार्टीतय् अर्कमन्यताया कारणं ब्वलंगु जन आक्रोश अन्ततः देय्या अबौं तकया क्षति जूगु दु। लिसैं थुकिं देय्

दु। तर एमालेय् धाःसा अभ्र नं ओली हे निर्विकल्प खः धकाः धयाच्चंगु दु। थ्व धइगु एमाले दुने राजनैतिक चेत शून्य जूगूया दसि खः।

जेनजी आन्दोलनया कारणं सरकारं विस्थापित जुइमाःम्ह प्रधानमन्त्री केपी शर्मा ओली छुं न्हिं सेनाया सुरक्षा घेराय् च्वनेमाःगु अवस्था वल। जनतां बालुवाटार घेरे यायेधुंकाः सेनां प्रधानमन्त्री ओलीयात हेलिकप्टर उद्धार यायेगु ज्या याःगु खः। वयां लिपा जेनजी आन्दोलन मत्थर जुइधुंकाः एमाले अध्यक्ष ओलीं गुगु भाय् ल्हात थुकिं अभ्र नं न्ह्यसः ब्वलंका बिउगु दु। ओली थः सार्वजनिक जुइगु इवलय् आन्दोलनय् सुरक्षाकर्मीतय्के मदुगु हतियार छ् यलाः मनूतय्गु ज्यान कायेगु ज्या जूगु धकाः गुगु खँ धाल। थुकिं स्पष्ट याः ओलीया सोच छु गज्याःगु खः धकाः।



यात लिउने लाकेगु ज्या नं जूगु दु। तर राजनीतिक नेतातय्के चेत धाःसा वःगु खनेमदु। विशेष यानाः नेपाली कांग्रेस व एमाले दुने थज्याःगु चेतया अभाव खनेदुगु दु। जेनजी आन्दोलन लिपा नेकपा माओवादी केन्द्रीय कमिटी भंग यानाः प्रत्यक्ष चुनाव पाखे पदाधिकारी ल्ययेगु निर्णय यायेधुंकूगु दु। तर कांग्रेस धाःसा अभ्र नं देउवाया विकल्प मदु धकाः धयाच्चंगु दु। थ्व धइगु नेपाली कांग्रेस दुने वैकल्पिक उम्मेदवार मदुगु खःला धइगु न्ह्यसः ब्वलनाच्चंगु दु।

उकथं हे कांग्रेस दुने युवा पुस्ता कथं चर्चा जुयाच्चपिं गगन थापा व विश्वप्रकाश शर्मा धाःसा वर्तमान इलय् पुलापिं नेतृत्वयात बिदा बीमाःगु माग यानाच्चंगु जक मखु यदि पुलांगु पुस्तां अपुक बहिर्गमन मजुल धाःसा देय्यन्यंक हस्ताक्षर संकलन यानाः जूसां वर्तमान पुस्तायात चीकेमाःगु खँ धायेगु यानाच्चंगु दु।

विशेषतः छम्ह हे व्यक्ति तःदँ तक राजनीतिया शीर्ष स्थानय् च्वनीगु कारणं यानाः देशय् न्हू पुस्तां थःगु थाय् दयेके मफयाच्चंगु खः। अभ्र पुलांगु पुस्तां याइगु गुगुं नं गलत ज्याया विरोध न्हू पुस्तां याये मफयेवं देशय् भ्रष्टाचार व बेथिति ब्वलंगु खः धइगु खँय् आपालं राजनीतिक पार्टीया नेता कार्यकर्तातय्सं धायेगु यानाच्चंगु दु। तर उमिसं पुलांगु पुस्ताया विकल्प ममाःगु कारणं यानाः देय् थौंया अवस्थाय् थ्यंगु खँ धइगु खँयात मनन यायेमाःगु आवश्यकता दु। कांग्रेस दुने युवा पुस्तां सः थ्वयेकेगु ज्या यायेधुंकूगु

राजनीतिक घटनाक्रमं प्रधानमन्त्रीया असक्षमतां हे जेनजी आन्दोलनं उग्र रुप काःगु खः धइगु खँ स्वीकार यायेत अभ्र नं ओली तयार मदु। थ्व धइगु ओलीयाके दुगु दम्भ व घमण्ड हे खः।

थ्व स्वयां न्ह्यः नं ओली प्रधानमन्त्री जुयाच्चंगु इलय् थीथी भ्रष्टाचारया खँ वयेगु याः तर प्रधानमन्त्री ओलीं अज्याःगु खँयात थुलि हलुकां कायेगु यानाच्चंगुया लिच्चः हे जेनजी आन्दोलन खः। यदि आः नं एमालें थःत भिंकेगु कुतः मयात धाःसा नेकपा एमालेया अवस्था छु जुइ धकाः धायेफइगु अवस्था मदु। ओली जक मखु एमाले नेता महेश बस्नेतं पार्टी कार्यालयया निरीक्षण यायेगु इवलय् गुगु दम्भ ब्वःगु दु। थ्व दम्भ नं एमालेयात गन थ्यकी धकाः धायेफइगु अवस्था मदु।

जेनेजी आन्दोलन लिपा दकलय् अप्वः पार्टी परित्यागु याःगु छुं पार्टी दुसा एमाले दकलय् न्ह्यःने लाः। एमालेया थीथी जिल्लाया नेतातय्सं धमाधम राजीनामा बीगु ज्या न्ह्याकेधुंकूगु दुसा मेखे निर्वाचित जनप्रतिनिधिपिसं नं थुकथं राजीनामा बीगु शुरु यायेधुंकूगु अवस्थाय् एमालें थःत परिमाजित याइ कि मयाइगु धइगु न्ह्यसः ब्वलनाच्चंगु दु। जेनेजी आन्दोलन छगू जक राजनीतिक पार्टीया कारणं जूगु निश्चित रुपं मखु थ्व आन्दोलन गुगु रुप काल थुकिया मू कारण धइगु राजनीतिक पार्टीतय्सं भ्रष्टाचारयात बियाच्चंगु संरक्षण हे खः धायेत लिफः स्वयेमाःगु अवस्था मदु।

मोहनि नखः, थीथी



प्रेममान डंगोल

मोहनिया स्वां कयाः
मोहनि यानातःगु
सिन्हः तिल धाय्
वं आगंधःया देवत्व
प्राप्त जुयाः सिद्धि
दइ धयागु मान्यता
दु । थकालिं जहान
परिवार फुक्कसित
छसिकथं सिन्हः
तिकाः स्वां व कोखा
बी ।

नेवाःतय्गु थीथी नखःचखः मध्ये मोहनि नखःया विस्कं महत्व दु । आदिवासी नेवाःतसें मोहनि यानाः छःतयूत नं थःगु बसय् तयाः थःगु म्हय् दुबिकाः देवी प्याखं हुइकीगु खः । थ्व हे परम्पराकथं आःतक नं नेवाःतसें थीथी छःया जात्रा यानाः छःतयूत हे थःगु बसय् तयाः तान्त्रिक विधिकथं पूजा याय्गु व छःतय्गु जात्रा व प्याखं न्ह्याका वयाच्वंगु दु । भिन्हय्गूगु व भिन्ह्यागूगु शताब्दीइ ग्रीक सभ्यताय् विकसित जुयाः नं लोप जुइधुकूगु देवदेवीया प्याखं नेपाःया स्वनिगलय् देवी प्याखंथा रुपय् न्ह्याना वयाच्वंगु दु ।

नःला स्वनेगु



मोहनि नखःया न्हापांगु दिं कौलाथ्व कुन्हु नःला स्वनेगु धकाः छैँखापतिं आगमय् खुसिया फि हयाः नीसी यानाः तछ् वः, हाम्वः, कःनि, छ्व आदि तयाः नःलास्वां पी । वसन्तपू लाय्कुली व थीथी छःछैँय् नं नःला स्वनेगु याइ ।

नवरथ वनेगु

यैँय् नवरात्री जःछि नवरथ वनेगु धकाः धिमे व थीथी बाजं थानाः पारु कुन्हुनिसें नवमितक छसिकथं शंखमूलया शंकर तीर्थ - छः महालक्ष्मी, भचारुसिया निर्मल तीर्थ - छः लुति अजिमा, गोकर्णया पूण्यतीर्थ - छः चास्को अजिमा (रुद्रायणी), त्रिपुरेश्वरया कालमोचन - छः दोला अजिमा, पचलिया पञ्चनालि - छः पचलि भैरव, तोखाया मनोरथ तीर्थ - छः ईन्द्रायणी, पशुपतिया आर्यघाट - छः बछलादेवी, टेकू दोभानया चिन्तामणी तीर्थ - छः सिकाली अजिमा (नै अजिमा), कंगया भवानीतीर्थ - छः कंग अजिमा व तलेजु भवानी, गुह्येश्वरीया शान्ततीर्थ - छः गुह्येश्वरी वनाः म्वः ल्हुयाः छःपिनिगु दर्शन याइ । थथे नागराजपिन्त नं हनी । थथे हनीपिं नागराजपिं मध्ये



शंखपाल, अपलाल, भद्रपाल, सुन्दर वरणपाल, बासुकी, वरुण, नन्द, अपनन्दन व सोमसिकि नागराजपिं खः ।

कान्ता दबदब थानाः गुन्हु तक आगमय् पुज्याइ । मोहनि जःछि मालश्री म्ये हाली, धुन नं न्याय्काच्चनी । दुर्गा भवानीया थीथी रुपयात नवरात्रीया गुंगू रुपकथं शैलपुत्री, ब्रह्मचारिणी, चन्द्रघण्टा, कुष्माण्डा, स्कन्दमाता, कात्यायनी, कालरात्री, महागौरी व सिद्धिदात्री देवीपिन्त पुजा याइ ।

कूछिभ्वय्

कौलाथ्व अष्टमि कुन्हु नेवाःतसें कूछिभ्वय् नइ । थ्वकुन्हु सुथय् समेबजि तयाः गणेद्यः व पिखालखुइ पुज्यानाः आगमय् पूजा याय्गु इवलय् थःथःगु लजगाःकथं ज्याभःत स्वनी । तान्त्रिक मतकथं नेवाःतय्गु आगमय् पूजा यानाः खड्ग नं पुज्याइ । मोहनि सिन्हः फइ । बहनि छैँजःपिं सकलें नापं च्वनाः कूछिभ्वय् नइ । केरा लप्तेय् कुलेचां दानाः कूछि बजि तयाः भ्वय् नइगु जूगुलिं थुकियात कूछिभ्वय् धाईपिं दुसा गुलिसिनं कूलाछिं जक च्वनाः नइगु भ्वय् जुयाः कूछिभ्वय् नं धाय्गु याः ।

स्याक्वत्याक्व

कौलाथ्व नवमि मोहनिया मू दिं खः । अष्टमिया चायात कालरात्री धकाः देवी शक्तिया पुजा याइ । थ्वकुन्हु नेवाः संस्कृतिकथं स्याक्वत्याक्व धकाः धनधान्य व अस्त्रशस्त्रं सदां

थीर जुयाच्चने दय्मा धकाः थीथी अजिमा छः दुगु, मेय् बलि बी । थुकिया लिसें गणेद्यः व भैल बियाः पुज्याइ । छैँखापतिं आगमय् पूजा याय् संस्कारकथं जाकि, बजि, ताःचा, सफू, बुँ पाले ज्याभःया पुजा यानाः थ्वकुन्हु चाया माकःचा फइ । नेवाः संस्कारकथं मोहनि सिन्हः थापं त याय्गु जूगुलिं हे मोहनि धाइगु खः । थ्वकुन्हु ज्याकू पसः, मेसिन, सवारी साधनयात नं बा याय्गु चलन दु । थ्वकुन्हु लाय्कुली तलेजु भव म्ये व दुगु सरकारी व मेमेगु यानाः द्वलंद्वः बलि चालं



कौलाथ्व दशमि चालं कुन्हु छैँखापतिव न्हापां नीसी यानाः आगमय् मोहनि पुजा क्वकाइ । मोहनिया स्वां कयाः मोहनि यानात धाय्वं आगंधःया देवत्व प्राप्त जुयाः सिद्धि दइ दु । थकालिं जहान परिवार फुक्कसित छसिकथं स्वां व कोखा बी । फुक्कसिनं थापं यानातः प्रसाद कयाः नय्गु त्वनेगु याइ । थ्वकुन्हु ह्या कुमारी, म्हासुगु वस्त्र पुनाः बसुन्धरा, सन्त्रासी र अजिमा व वैचुगु वस्त्रं पुनाः भैलःछःया पायाः पायो

नेवाःत शक्तिया उपासक व साधक खः नेवाःतसें थःगु म्हय् छः दुबिकाः थःगु इच्छा ल्हाती खड्ग ज्वनाः छैँय् पिहां वइम्ह पायौ जू

महान चाड दशै, तिहार, नयाँ वर्ष नेपाल संवत् १९८६

का साथै छठ पर्वको उपलक्ष्यमा



सम्पूर्ण वडाबासीहरूका साथै नेपालीहरूको
सुख, समृद्धि, सुस्वास्थ्य एवम् दीर्घायुको
कामना गर्दछौं ।



राजेश महर्जन

वडा अध्यक्ष

ललितपुर महानगरपालिका २ वडा
सानेपा, यल ।

महान चाड दशै, तिहार, नयाँ वर्ष नेपाल संवत् १९८६

का साथै छठ पर्वको उपलक्ष्यमा



सम्पूर्ण वडाबासीहरूका साथै नेपालीहरूको
सुख, समृद्धि, सुस्वास्थ्य एवम् दीर्घायुको
कामना गर्दछौं ।



रूपेन्द्रराज शाक्य

वडा अध्यक्ष

ललितपुर महानगरपालिका ६ वडा
कनिबहाल, यल ।

महान चाड दशै, तिहार, नयाँ वर्ष नेपाल संवत् १९८६

का साथै छठ पर्वको उपलक्ष्यमा



सम्पूर्ण वडाबासीहरूका साथै नेपालीहरूको
सुख, समृद्धि, सुस्वास्थ्य एवम् दीर्घायुको
कामना गर्दछौं ।



नारायण अवाले

वडा अध्यक्ष

ललितपुर महानगरपालिका १२ वडा
ललितपुर

महान चाड दशै, तिहार, नयाँ वर्ष नेपाल संवत् १९८६

का साथै छठ पर्वको उपलक्ष्यमा



सम्पूर्ण वडाबासीहरूका साथै नेपालीहरूको
सुख, समृद्धि, सुस्वास्थ्य एवम् दीर्घायुको
कामना गर्दछौं ।



निर्मल रत्न शाक्य

वडा अध्यक्ष

ललितपुर महानगरपालिका १६ वडा
धौगल, यल ।

मोहनिया घःपिनिगु जात्रा व गण प्याखं

मजिमा घःयात खा, हँय,
घः व भैलःघःयात नं बलि
पूजा यायबलय नं नेवाः
हुँ पालेगु कूनापं थीथी
माकःचाय् मोहन सिन्हः
ः थारु तयाः तन्त्र साधन
थ्वकुन्हु थीथी ज्यासः,
त नं बलि बियाः पुजा
लेजु भवानीयात १०८म्ह
दः बलि बी ।



दुबीगु खनाच्चनी । आगम व निगम तन्त्रया विधिकथं साधना
यानाः खड्ग जगे यानाः पायाः पिहांवइ । छगू धापूकथं जुजु
गुणकामदेवं यें देय्या प्यखें थापना यानातःपिं अष्टमातृका पीठ
जगे यायुत पायाः पिकायगु चलन याःगु खः । मल्लकालीन जुजु
हरिसिंहदेवं ख्वपया तलेजुं पिकाःगु पायोनार्पं थर व गोत्रकथं
आगं छैय् व एकादश नापं न्यागू प्रकारया पायो पिकायगु
याइ । स्वनिगःया पायो, तेबाहाः, महाबौद्ध, वतु, क्वहिर्ति, यल,
ख्वप, किपू, सक्व, तोखा नापं लायूक्या तलेजुइ पायो पिकाइ ।
गणेद्यः, भैलःद्यः व अष्टमातृका अजिमाया प्रतीककथं पायो
पिकाइबलय अष्टमहाभयं मुक्त जुइ धयागु जनविश्वास दु ।

कतिपुन्हि

कौलाथ्व चतुर्दश कुन्हु येंया श्रीधल्य दीपावली याइसा
पुन्हि कुन्हु बहनिइ कःसि व बैगलय् मर्त्यमन्दः च्याकाः चाःह्य
वइम्ह महालक्ष्मीया पुजा याइ । पंथा च्वकाय् आकाशदीप
यखायाः चचिछ जाग्राम च्वनेगु मौलिक परम्परा दु । पुन्हि कुन्हु
सुसु जाग्राम च्वंगु दु धकाः महालक्ष्मी द्यवं स्वःवइगुलिं थ्व
पुन्हियात कोजाग्रत पुन्हि धायगु याः ।

मोहनिया चार्लनिसें कति पुन्हितक मोहनिया सिन्हः
तिकेगु व नख्त्या ब्वनेगु याइ ।
पचलि भैलःद्यःया जात्रा



मोहनिया पचिमहः अर्थात कौलाथ्व पञ्चमि कुन्हु पचलि
भैलःद्यःया जात्रा याइ । खड्गधारी भैरव त्रिशुल, ढाल, मुद्रा, बां
सी दुगु छ्यनय भगवान बुद्धया छ्यं अंकित यानातःगु सिजःया
तम्बःगु क्वंयात हे भैलःद्यः धकाः पुज्याइगु खः । क्वंचाया
दुने धाःसा थ्व, अय्लाः जाय्क तयाः क्वंचाद्यः जात्रा यायगु
चलन दु । थ्व जात्रा दलाछि, बकछें, यंगाः, न्हूधः, नाय्पाःच्वया
ज्यापुतसैं पालंपाः न्याय्का वयाच्वंगु दु । क्वःने पचलि आजु
खलःतय मोहनबलय नःलास्वां तइमखु । पचलि आजुया
जात्रानापं मोहनि लाःगुलिं थुगु मोहनि मानय् मयाइपिं नं दु ।

पचिमहः कुन्हु पचलि भैलःद्यःया जात्रा याइबलय
आजुद्यःया नै कलाः नै अजिमायात बाजं थानाः आजुद्यःया
ल्यूल्यु यंकी । पचलि आजुद्यःया क्वंचा थनाः जात्रा यानाहल
कि पचलिइ मनु सुं च्वने मज्यु । पचलि आजुद्यःया बेताः दना
वयाः द्यःया थाय् छायातःगु नइ, मनूत खनेवं हि त्वनेयः धाइगुलिं
ग्यानाः सुं नं च्वनीमखु । जात्राय् मनुत अय्लाः, थ्वं काःपिं सुं नं
पचलि लैय् ग्वारातुलाच्वंगु दु ला धकाः नै अजिमां लिहां लिहां
वायः छम्ह छम्ह मनू दतलय् थनाः यंकाच्चनी हँ । पञ्चलिङ्गेश्वर,
पञ्चमुखी लिङ्गेश्वर, स्वच्छन्द भैरवया नामं नं प्रसिद्ध पचलि
भैलःद्यःया जात्रा न्याय्केगु परम्परा ने.सं. ५०५ पाखे जुजु जूम्ह
शिवासिंह मल्लं न्ह्याकूगु खँ इतिहासय् न्ह्यथनातःगु दु ।

मरु गणेद्यःया जात्रा



अष्टमिनिसैं असंचालं एकादशितक मरु गणेद्यःया
खः जात्रा याइ । जुजु लक्ष्मीनरसिंह मल्लं मरुसत दय्के
न्ह्यः अशोक नांया सिमा क्वसं गणेद्यः थापना याःगुलिं उगु
गणेद्यःयात अशोक विनायक धयातःगु खः ।

जुजुया उजंकथं तान्त्रिक जामनः गुभाजुं बौद्ध तान्त्रिक
पद्धतिकथं देवन्यास यानाः गणेद्यःया जात्रा न्ह्याकुगु खः
धाइ । असंमरु अजिमाया काय्या रुपय् मरु गणेद्यःयात हनी ।
कूछिभव्य कुन्हु बहनी नाय्खिं थानाः थकालियात हय्धुंकाः
द्यःछैय् तुं गणेद्यःयात खतय् तयाः थकालिं पुज्याइ । थकालिं
ताय्, अम्ब, केरा, लैं, स्वांमाःलिसैं पुजा यानाः गणेद्यःयात स्वह
दुगु बलि बियाः खः जात्रा न्ह्याकी । कुमारी द्यः सालेगु लैपु
थःने व क्वःने मरु गणेद्यःया जात्रा याइ । चान्हय् ३२ताजि अन्न
होम यानाः गणेद्यःयात मेय् बलि बी । नवमि कुन्हु भक्तजनतसैं
अय्लफ, थ्वं, समेबजि तयाः ख्यैय् स्यानाः पुज्याइ । दशमि कुन्हु
खः जात्रा यानाः यतखा, कंकेश्वरी व तर्हाबल थकालिया छैय्
धिमे, नाय्खिं थानाः पुजा फः वनी ।

असंभलु अजिमाया जात्रा

कौलाथ्व नवमिनिसैं द्वादशितक असंया नांजाःम्ह द्यः
असंभलु अजिमाया जात्रा याइ । ने.सं. ६९६या म्ये सफुतिइ
त्यं ६ पेजय्

महान चाड दशै, तिहार, नयाँ वर्ष नेपाल संवत् ११४५

का साथै छठ पर्वको उपलक्ष्यमा



सम्पूर्ण वडाबासीहरूका साथै नेपालीहरूको
सुख, समृद्धि, सुस्वास्थ्य एवम् दीर्घायुको
कामना गर्दछौं ।



बाबुरत्न महर्जन

वडा अध्यक्ष

ललितपुर महानगरपालिका ८ वडा

गुइतः, यल ।

महान चाड दशै, तिहार, नयाँ वर्ष नेपाल संवत् ११४५

का साथै छठ पर्वको उपलक्ष्यमा



सम्पूर्ण वडाबासीहरूका साथै नेपालीहरूको
सुख, समृद्धि, सुस्वास्थ्य एवम् दीर्घायुको
कामना गर्दछौं ।



विकासमान श्रेष्ठ

वडा अध्यक्ष

ललितपुर महानगरपालिका ५ वडा

महालक्ष्मीस्थान, यल ।

महान चाड दशै, तिहार, नयाँ वर्ष नेपाल संवत् ११४५

का साथै छठ पर्वको उपलक्ष्यमा



सम्पूर्ण वडाबासीहरूका साथै नेपालीहरूको
सुख, समृद्धि, सुस्वास्थ्य एवम् दीर्घायुको
कामना गर्दछौं ।



उदय चुडामणि बज्राचार्य

वडा अध्यक्ष

काठमाडौं महानगरपालिका २१ वडा

ज्याबहाल, यँ ।



महान चाड दशै, तिहार, नयाँ वर्ष नेपाल संवत् ११४५

का साथै छठ पर्वको उपलक्ष्यमा



सम्पूर्ण वडाबासीहरूका साथै नेपालीहरूको
सुख, समृद्धि, सुस्वास्थ्य एवम् दीर्घायुको
कामना गर्दछौं ।



न्हुधेकाजी महर्जन

वडा अध्यक्ष

काठमाडौं महानगरपालिका १८ वडा

न्यतपाःचव, यँ ।



मोहनि नखः...

व थीथी ऐतिहासिक अभिलेख्य आशामण्डप धका: च्वयातःगु व उकिया

थाना: जात्रा याना: छैँखापतिं वना: पूजा फःवनी । अर्थेतुं द्वादशि कुन्हु कुमारी सालेगु लैँपुइ थने व क्वःने गुथ्याःतय्



हे अपभ्रंस जुया: थ्व थाय्या नां असं जूवंगु खः धइगु धापू दु । वहःया कलशययात असंभलु अजिमा द्यःया मूर्तिकथं नालातःगु दु । स्वतँजाःगु लीया कलात्मक देगः दुने विराजमान जुयाच्चंमह थ्व द्यःयात महाकाली, महालक्ष्मी व महासरस्वतीया प्रतीककथं कयातःगु दु । हिन्दूतसें अन्नपूर्णा देवी व बौद्धतसें बसुन्धरा देवीकथं थ्व असंभलु अजिमायात पुज्याना वयाच्चंगु दु । अष्टमातृका मध्ये छम्ह अजिमाया रुपय् हनाच्चंमह थ्व अजिमाया च्यापा ल्हाः दु । जवगु प्यपा ल्हातय् खड्ग, बज्र, वरद मुद्रा व पाता ख्वला दुसा खवगु ल्हातय् विन्दु मुद्रा, जपमाः, गं व कलश ज्वना: पलेस्वांया आशनय् च्वनाच्चंगु दुसा मनू छयंया मा: क्वखायातःगु दु । देगःया त्वलनय् नं किपा क्रियातःगु दु ।

कौलागा नवमिनसें द्वादशितक जात्रा हनेगु इवलय् ज्यापु गुथ्याःतसें स्याक्वत्याक्व कुन्हु असंभलु अजिमायात मेय् बलि बी । बलि ब्यूगु स्वयम्ज्यू धका: द्यःया थाय् वनेगु लैँ फुक्क बन्द यानातइ । अजिमायात असंचालं कुन्हु पीगर्म खतय् तया: बाजं

मथ्याय्मस्तयगु छैँय् छैँय् वना: पुजा फया: देय् चाःहीका: सन्याकालय् द्यःछैँय् दुत यंकी । अजिमाया थ्व जात्रा किरातकालनिसे न्ह्याना वयाच्चंगु खय् मा: धका: ताय्काच्चंगु दु ।

नरःया नारांद्यःया जात्रा



दैय्दसं कौलागा पारु कुन्हु नरलय् नारांद्यःया जात्रा जुइ । नारांद्यःया जात्रा धाःसां स्वम्ह द्यः ब्रह्मा, विष्णु व महेश्वरया खः जात्रा याइ । अःखः खःया जात्रा याइगु व गनं मदुकथं मैनया स्वां दय्का: द्यःयात छायेगु याइ । पारु कुन्हु मू जात्रा याइगु थ्व जात्राय् द्यःया खः हे अःखतं दय्का: जात्रा याइगु

जुया: हे 'गनं मदुगु जात्रा हाँडिगामय्' धाइगु खः । स्वंगू द्यः खःयात हे थसः पाय्का: तइ । द्यःखःया दकलय् द्यःने हिमालय पर्वतथे दय्का: तुयूगु कापः व कपाय् तया: भुनातःगु दइ । हिमालय पर्वतय् द्यः च्वनी धका: दकलय् च्वय् द्यः तःगु दइसा हिमालय पर्वतया क्वय् महाभारत पर्वत धका: जंगलथे दय्का: धुपिमा व लखाचामाया कचा व स्वांमा तःगु दइ । अले स्वंगू तगिमय् समा: याना: बांलाका: गनं मछाइगु सीस्वां नं द्यःयात छानातःगु दइ । अले अःखतं तयातःगु द्यःखःयात निम्ह मनूखं खिपतं खः चाःहिइका: जात्रा याइ ।

फम्पिया हरिशंकर जात्रा



दैय्दसं भाद्र शुक्ल द्वादशि कुन्हुनिसे आश्विन कृष्ण एकादशि कुन्हु तक फम्पिइ हरिशंकर जात्रा न्याय् की । हरिशंकर जात्रा फम्पि देय्या प्राचीन लाय्कू परिसरय् दुम्ह गुह्यदेवी भ्रमकेश्वरी पीठं शुरु याइ । गुह्यदेवी पीठनापं दुम्ह तलेजुइ फम्पिया मनूतसें मोहनबलय् नःलास्वां स्वनेगु याइ । श्री तलेजु भवानीयात द्वादशि कुन्हु सुथय् दक्षिणकालीया पुजारीं निम्ह दुगु बलि बिया: पुजा याइ ।

आश्विन कृष्ण दशमि कुन्हु सुथय् कोर्पु त्वाःया स्वच्छन्द रक्त भैरवयात कर्माचार्य पुजारीं छम्ह दुगु बलि बिया: पुज्याइ । भैरवया प्रसादकथं सिजःया त्यप जाय्क थ्वै तइ । भैलःद्यःया ख्वाःपा: दुगु त्यपयात म्वःम्वः मनूतसें जुलुसनापं बाजं थाना: कुबिया कोटाल त्वा: थ्यंकी । कोटाल त्वालय् सिजःया त्यपय् अय्ला: तया: कालभैरव धाइम्ह प्रचण्ड भैरव नापनापं त्रिशुल डमरु ल्हाती तया: मनूतसें भैरवयात सुथय् देय् चाःहीकी । थ्व जात्रायात स्थानीय मनूतसें 'क्वंचाद्यः' धाइ । थ्व क्वंचाद्यःया जात्रा मोहनबलय् पचिमहः कुन्हु योया पचलि भैरवय्

याइगु भैलःद्यः जात्रालिसे ज्वःला: । उकुन्हु हे चान्हय् शेषनारायण व महालक्ष्मीया खः जात्रा बाजं थाना: देय् चाःहीकी ।

खोनाया सिकाली प्याखं व जात्रा

देवमाला वंशावलीकथं ने.सं. ६३३य् जुजु अमर मल्लं रुद्रायणी अष्टमातृका पीठयात मू द्यका: थापना याःगु खोना देसय् मोहनि नखः हनिमखु । नेपा: देय्न्यंक मोहनि हनाच्चनीबलय् खोनाय् धाःसा मोहनिया कौलाथ्व तृतियानिसे षष्ठि तक सिकाली गणजात्रा न्याय्की । उकिं खोनायात मोहनि मदुगु देय् नं धाः । सिकाली जात्राया इलय् पचिमहः कुन्हु

माजुया थ्व प्याखं दच्छिया निक्वः हुइकेगु चलन दु । न्हापांखुसी कौलाथ्व तृतिया कुन्हुनिसे अष्टमितक हुइकीसा कार्तिक पुन्हि कुन्हु निक्वःखुसी हुइकी । भिनिदैय् छक्वः थ्व सिकाली गणप्याखं यैँया हनुमानध्वाखा, पशुपति व यलया बुंगय् नं यंकी ।

गण प्याखं

दैय्दसं आश्विन कृष्ण जलाथ्व दशमि कुन्हु चान्हय्निसें ख्वपया नवदुर्गा गणया न्ह्यु ख्वाःपा: दय्का: देय्या थीथी थासय् प्याखं हुइकी । ख्वप राजधानी जुयाच्चंगु इलनिसे यैँया पशुपति, हनुमानध्वाखा, यल लाय्कू भ्वैत, पन्तिया थीथी थासय् गणप्याखं हुइकेगु परम्परा दुगु खः । जुजु शिवदेवया पालय् ख्वपया नवदुर्गा गणप्याखं यैँया पशुपति लागाय् राजराजेश्वरीघाटय् प्याखं हुइकाच्चंबलय् द्यः तुयुया वःगुलिं व हे थासय् नवदुर्गा भवानीया द्यःछैँ दय्का: द्यः थापना याःगु खः धाइ ।

पशुपति लागाय् भिनिदैय् छक्वः मोहनबलय् यलया हरिसिद्धि गण प्याखं व थिमि बोडेया नीलबाराही प्याखं हुइकीगु परम्परा दु । अर्थेतुं भिनिदैय् छक्वः मोहनिया चालं कुन्हुनिसे दच्छियंक पचलि गण प्याखं हुइकेगु परम्परा दु । उगु गणप्याखं राष्ट्रप्रमुखया ल्हार्ति पचलि भैरवनाप खड्ग हिलेधुंका: जक शुरु जुइगु खः । न्यादैय् छक्वः मखं तारिणी बहा: सिंह दुवातय् भद्रकाली नापं राष्ट्रप्रमुखं खड्ग हिलेगु याइ । मोहनिया चालं कुन्हु चान्हय् थथे खड्ग हिलीबलय् राज्य थीर जुइगु व देसय् शान्ति कायम जुइ धयागु विश्वास दु ।

यलया थेच्वय् भिनिदैय् छक्वः हुइकीगु नवदुर्गा गणप्याखं नं मोहनिया



खोनाया थ्व सिकाली प्याखं ने.सं. ६३३य् जुजु अमर मल्लं गुथि तया: शुरु याःगु खः धाइ । खोनाया मू द्यःकथं हना वयाच्चंमह रुद्रायणी

कतिपुन्हिनिसे हुइकीगु खः । दैय्दसं मोहनिया चालं व पुन्हि कुन्हु थेच्वया नवदुर्गा प्याखं हुइकेगु याइ । यलया लाय्कूया मूलचुकय् थुगु प्याखं हुइकी ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटेरिङ पनि गरिन्छ ।

भितुना !

भितुना !!

भितुना !!!



मोहनी नखः, स्वन्ति, न्हूदँ

नेपाल संवत् १९८६ व द्यः पर्वया लसताय्

सकल नेपाःमिपिनि सुख, समृद्धि, भिउसाँय्

व ताआयुया कामना यानाच्चना ।



माडन नवाइ रुज्जलिस स्कूल

Modern Newa English School

Durbar Marg, Kathmandu, Nepal.

01-5349350, 9851075915

पुर्णिमा शाक्यया हाइकुयात कया: विवेचना



लहना वा:पौ/ ह्याउँनिभा:या
ब्वनामिया फल्चा सिरिज-१य् पूर्णिमा
शाक्यया हाइकु वाचन व उकियात
कया: आलोचनात्मक समीक्षा
यायेगु ज्या जुल । ज्याइवल्य् सफूया

सांस्कृतिक ल्याखं प्रा. डा. राजन
लाल जोशी, दार्शनिक विवेचना अनुप
सिं सुवाल, सैद्धान्तिक विवेचना राजेन्द्र
कुमार महर्जन व अन्तर देशीय विवेचना
विमल ताम्रकार यानादीगु ख: ।

योगेन्द्र राजकर्णिकार ज्याइवल्य्
लसकुस याना: न्ह्या:गु ज्याइवल्य्
नेवा: हाइकु ख्य:या अध्यक्ष सुरेश
प्रधान, ह्याउँनिभा:या संरक्षक मन राजा
रञ्जित नं ज्याइवल्य् न्ववानादीगु
ख: ।

ज्याइवल्य् न्ह्यब्व:गु न्वचूयात
सफूकथं पिथनीगु धयात:गु दु ।
नेपालभाषा साहित्य ख्यलय् थ्व
ज्याइव: न्ह्यु प्रयोग जूगु खँ धा:गु दु ।
ज्याइवल्य् श्रष्टा, समालोचक
व पाठक याना: पीम्हेस्यां ब्वति का:गु
ख: । ह्याउँनिभा:या संरक्षक धनबहादुर
तिमिलां सुभाय् देछायादीगु ख: ।
ज्याइव: ह्याउँनिभा: अनुसन्धान
केन्द्रया ग्वसालय् जूगु ख: ।

हलिं नेवा: दबूया स्वक्व:गु त:मुँज्या

लहना वा:पौ/ हलिं नेवा: दबूया
स्वक्व:गु त:मुँज्या वंगु शनिवा: यँया
एफटेन पार्टी भेन्यूड त:जिक क्वचाल ।
नेपाल संवत् राष्ट्रिय न्हूदँ समारोह
समिति ११४५ या नाय:लिसें पूर्वमन्त्री
राजेन्द्रप्रसाद श्रेष्ठया मूपाहाँसुइ जूगु
ज्याइव: दबूया नाय: सुरेन्द्रभक्त श्रेष्ठया
सभापतित्वय् जूगु ख: ।

ज्याइवल्य् भिंतुना न्वचु
तयादिसें मूपाहाँ श्रेष्ठ हलिं नेवा: दबू
नेपा: देय् कवलं नेवा:तयगु थीथी
मुद्दाय् सक्रिय रुपं न्ह्या: वनाच्चंगु
व आ: वइगु न्ह्यु ज्यासना पुचलं
नेवा:तयगु आवश्यकतायात वा:चाय्
का: न्ह्या: वनेमा: धयादिल ।



हलिं नेवा: दबूया केन्द्रीय त:मुँज्याय्
नेपा:पाखें प्रतिनिधित्व यासें न्वकू
पदय् निर्वाचित जुयादीमह सुरेन्द्रभक्त
श्रेष्ठ, मूल्याञ्जे लालिमा (लुमु) श्रेष्ठ

श्रेष्ठ न्ह्यब्वयादीगु प्रगति प्रतिवेदन
पारित या:गु ख: ।

त:मुँज्यां रमेशमान मुनिकारया
नेतृत्वय् न्ह्यु ज्यासना पुच: नं ल्य:गु
दु । दबूया न्ह्यु विधानकथं २९ मह
दुज: दइगु समितिइ आ:यात २१ मह
निर्विरोध निर्वाचित जूगु दु ।

दबूया वरिष्ठ न्वकूइ
राधेश्याम त्वानाबासु, मिसा न्वकू
कस्तुरी श्रेष्ठ, कोशी प्रदेश न्वकू
निराकार श्रेष्ठ, गण्डकी प्रदेश न्वकू
दिनेश नारायण श्रेष्ठ, मधेश प्रदेश न्वकू
प्रमिला मानन्धर, लुम्बिनी प्रदेश न्वकू
राजकुमार श्रेष्ठ, मूल्याञ्जे धर्मदेव
महर्जन, छ्याञ्जे उत्तम कुमार श्रेष्ठ,
ल्यूछ्याञ्जे लक्ष्मीप्रसाद सुवाल, दांभरिं
मंगलरत्न ताम्राकार, ल्यूदांभरिं अमर
राज सुवाल ल्य:गु दु ।

थुकथं हे दुजलय् शान्ति
वैद्य जोशी, पद्मलक्ष्मी ताम्राकार,
खगेन्द्र बहादुर जोशी, विकास महर्जन,
अम्बिका तुलाधर, अनुला जोशी,
सुरेन्द्र बहादुर तुलाधर, रत्नकृष्ण श्रेष्ठ
व रत्न काजी महर्जन ल्य:गु दु ।



ज्याइवल्य् नेवा: देय् दबूया
नाय: पवित्र बज्राचार्य, हलिं नेवा:
दबूया निवर्तमान केन्द्रीय न्वकू शाक्य
सुरेन, दबूया सल्लाहकारपाखें
रघुवरभक्त मानन्धर, डा. महेशमान
श्रेष्ठ, सुवर्णकेशरी चित्रकार व सुरेश
प्रधानपिसं भिंतुना न्वचु तयादीगु ख: ।
त:मुँज्याया इवल्य् दुबइलय् जूगु

व दुज: अञ्जना ताम्राकारयात भिंतुना
पौ ल:ल्हा:गु ख: । वंगु कार्यकालय्
नेपा:पाखें प्रतिनिधित्वयासें न्वकूया
भाला ता:लाक क्वचाय्कूगुलिं शाक्य
सुरेनयात सुभाय् पौ ल:ल्हा:गु ख: ।

थुगु त:मुँज्याय् जूगु बन्द सत्रय्
दांभरिं अञ्जना ताम्राकार न्ह्यब्व:गु
आर्थिक प्रतिवेदन व मूल्याञ्जे कस्तुरी

प्रा. सुवर्ण शाक्ययात त:जिक अभिनन्दन



लहना वा:पौ/ने.सं. न्हूदँ राष्ट्रिय
समारोह समिति ११४५ लिसें ने.सं.
न्हूदँ राष्ट्रिय संरक्षण समाजया ग्वसालय्
ने.सं. ११४५ यँलागा अमाई असोज
५ गते आइतवा: यँया खुसिबुइ च्वंगु
नेपा: ब्याक्वेटय् प्रा. सुवर्ण शाक्ययात
त:जिक अभिनन्दन या:गु दु ।

न्हूदँ राष्ट्रिय समारोह समितिया
न्हापांमह नाय: शिक्षाविद्, बौद्ध विद्वान,
साहित्यकारलिसें समाजसेवी प्रा.
सुवर्ण शाक्य अभिनन्दन ज्याइवल्य्
मूपाहाँ कथं नेवा: न्ह्यलुवा:
साहित्यकार हितकरवीर सिंह कंसाकार
उपस्थित जुयादीगु ख:सा ज्याइव:या
सभापतित्व नेपाल संवत् न्हूदँ राष्ट्रिय
समारोह समिति ११४५ या नाय:
राजेन्द्र प्रसाद श्रेष्ठ यानादीगु ख: ।

ज्याइवल्य् विशेष पाहाँ
कथं नेवा: न्ह्यलुवा: नेपालभाषा
एकेदेमिया चान्सलर मल्ल के सुन्दर,

ने.सं. न्हूदँ राष्ट्रिय संरक्षण समाजया
नाय: प्रा.डा. नरेशमान बज्राचार्यपिं
उपस्थित जुयादीगु ख:सा पाहाँ कथं
न्हूदँ राष्ट्रिय समारोह समितिया पुलापिं
नाय:पिं डा. महेशमान श्रेष्ठ, डा. चुन्दा
बज्राचार्यपिनिगु उपस्थिति दूगु ख: ।

अथेहे, मेमेपिं पाहाँ कथं
नेवा: देय् दबूया नाय: पवित्र
बज्राचार्य, यँ महानगरपालिका २३
वडाया नाय: मचाराजा महर्जन,
जनबहा:द्य: रथजात्रा व्यवस्थापन
समितिया नाय: निलकाजी शाक्य,
इन्द्रजात्रा व्यवस्थापन समितिया नाय:
गौतमरत्न शाक्य, पुलांमह बागमती
प्रदेशया मुख्यमन्त्री अष्टलक्ष्मी
शाक्य, पुलांमह मन्त्री कृष्णगोपाल
श्रेष्ठ, बरिष्ठ महान्यायाधिवक्ता मुक्ति
प्रधान, यँ महानगरपालिकाया पुलांमह
मेयर विद्यासुन्दर शाक्यलिसें थीथी
व्यक्तित्वपिनिगु उपस्थिति दूगु ख: ।

नेवा: सूचना केन्द्रया नायलय् रवि

लहना वा:पौ/नेवा:तयगु थीथी
ज्याइव: प्रत्यक्ष प्रसारण यानावयाच्चंगु
नेवा: सूचना केन्द्रया गुक्व:गु दँमुँज्या
व न्याक्व:गु त:मुँज्यां रवि महर्जनया
नेतृत्वय् न्ह्यु ज्यासना पुच: ल्य:गु दु ।

न्हय्मह दुज: दुगु न्ह्यु ज्यासना
पुच:या छ्याञ्जे श्रीकृष्ण सुलु व
दांभरिं रत्नकाजी महर्जनयात ल्य:गु
दुसा दुजलय् सचिर् महर्जन, पवित्र
कसा:, दिलबहादुर चित्रकार व ...
यात ल्य:गु ख: । भाषा आयोगया दुज:
सुरेश किरण मानन्धरया मूपाहाँसुइ जूगु



ज्याइवल्य् भाषासेवी हितकरवीर सिंह
कसा: विशेष पाहाँकथं भायादीगु ख: ।
केन्द्रया संरक्षक राजेन्द्र रजित न्ह्यु
ज्यासना पुच: घोषणा या:गु ख: ।

केन्द्रया नाय: रमिता बज्राचार्यया
नाय:सुइ न्ह्या:गु त:मुँज्याय् दांभरिं
पवित्र कसा:नं लसकुस या:गु ख: ।

जेनजीया प्रदर्शनय्.....

खँ सीदुगु दु ।

माओवादी व काग्रेसय् थें
नेकपा एमाले अध्यक्ष केपी शर्मा
ओली अध्यक्ष पद त्व:तेमा:गु
माग जुयाच्चंगु दु । तर एमालेया
औपचारिक बैठक बैठक धा:सा
च्वने फयाच्चंगुम मदु । जेनजी
आन्दोलनया फिन्हु लिपा सार्वजनिक
जुयादीमह एमाले अध्यक्ष ओली
पार्टीया बारे आ: तकं छुं न्ववानादीगु
धा:सा मदुनि ।

जेनजीया आन्दोलनया
कारण एमाले नेतृत्वया सरकार
विस्थापित जगुया लिसें पार्टीया
बारे थीथी कथंया स: थ्वयाच्चंगुलिं
थुकियात कया: सहलह जुइमा:गु
स: धा:सा थ्वयाच्चंगु दु । एमालेया
नेता सुरेन्द्र पाण्डे थपाय्जिक जुइगु
घटनाय् सरकार छाय् बेखबर जुल
धइगु न्ह्यस: ब्वलंगु धासें थुकिया
सुया कमजोरी दु धइगु खँया समीक्षा

याना: महाधिवेशनय् वनेमा:गु खँ
धयादीगु दु ।

एमालेया नेतापिं योगेश भट्टराई
व गोकर्ण विष्ट संगठन व नेतृत्व
पुनर्गठन यायेगु पक्षय् वकालत
यानादीसां नं महाधिवेशन जुइगु खँय्
धा:सा विश्वस्त मज्जु खँ सीदुगु
दु । एमालेया वइगु महाधिवेशय्
नेतृत्व हस्तान्तरण मुद्दायात प्रमुख
मुद्दा दयेकेगु तयारी धा:सा निगूगु व
स्वंगूगु पुस्ता यानाच्चंगु दु ।

थुगुसी

लक्षणयुक्त व देय्या अवस्थालिसे
ज्व:ला:मह जुइमा:, निडर व फुर्तिलो
जुइमा:, मचाया मां समेत भिंखुगु
बहा: दुनेयामह हे म्हायाम्चा जुइमा:
(बहीया म्हायाम्चा जुइ मजिउ),
मचा निदैं निसैं न्यादैं दुम्ह जुइमा: व
मांबौ निम्ह यँयापिं हे जुइमा: धइगु
व्यवस्था दु ।

त:जिगु नख: मोहनी, स्वन्ति, न्हूदँ नेपाल संवत् ११४५

लिसें तराईबासीपिनि त:जिगु नख: छठया लसताय

सकल नेपा:मिपिनि सुख, समृद्धि व ता:आयुया

मनंतुसैं भिंतुना देछानाच्चना ।

Dharma Ratna Bajracharya
Proprietor
9841709868

Bajra Jyasha Pasha
(For Quality Ornament & Jewellery)
Bhotahity, Kathmandu, Nepal. Tel: 01-5322604



महान चाड दशै, तिहार, नयाँ वर्ष नेपाल संवत् १९८६
का साथै छठ पर्वको उपलक्ष्यमा सम्पूर्ण नेपालीहरूको
सुख, समृद्धि, सुस्वास्थ्य एवम् दीर्घायुको
कामना गर्दछौं ।



अर्जुन रसाइली

अध्यक्ष

नेपाल सूनचाँदी व्यवसायी महासंघ परिवार



नेपालभाषा मंकाः खलः यलया

तःमुँज्याया सुचं

थ्व हे वइगु ने.सं. ११४६ कछलागाः एकादशी (२०८२ कार्तिक २९ गते) शनिवाः कुन्हु नेपालभाषा मंकाः खलः यलया भिंप्यक्वःगु तःमुँज्या जुइगु सुचं बियाच्चना । मंकाः खलः यलया विधानकथं थुगु संस्थाय् म्हछि दुजः, जिवंकाछि व संस्थागत दुजः जुयादीफु । नापं पुलापिं म्हछि दुजः भाजुमय्जुपिसं जः न्हूधाः यानादीत दुनुगलनिसें इनाप यानाच्चना ।

ज्याकुथि चालीगु : सुथसिया ८:००-१०:०० तक

थाय् : नेपालभाषा मंकाः खलः यल, त्यागः, पिलाछें ।

फोन ल्याः : ०१५४४०८०५, ९८४४८४४६६६



हिराकाजी महर्जन

नायः, नेपालभाषा मंकाः खलः यल

त्यागः, पिलाछें

नोट : दुजः न्हूधाः व न्हू दुजः ने.सं. ११४५ कौलागाः एकादशी (२०८२ असोज ३१ गते) शुक्रवाःतकया दुने दुजः जुयादीपितं जक मतदानया अधिकार दइ ।

लसकुस । भासँ !! भित्तुना !!!



थुगुसी नेपालभासाया नाटक विधाय

प्रेम मोहन गीता सिरपाः

व

विदुर हःपाः सिरपाः

लःह्हायेगु नापं थुगु विधाय च्वज्या न्ह्याका च्वनादिइपिं

छम्हेसित हनेगु ज्याइवलय्

छिस्कर भाजु/मयज्यात ब्वनाच्चना ।

ब्वना ग्वसाः



थुम माहनगीता सिरपाइ गुथि
Prem Mohan Gita Sirapaa Guthi

तिथि : सप्तमी कौलाध्य १९८५, सोमवाः (२०८२ असोज १३ गते)

ई : न्हिनसिया १२:३० ताः इलय्

थाय् : नेपाः वैक्वत, जोगिपाःक्व, खुसिबुं, लिंकरोड

भासँ न्हे ! जिपिं छितः पियाच्चने ।

चाडपर्व प्रति सम्मान गरौं ।

- चाडपर्व मनाउँदा अनावश्यक तडकभडक नगरौं,
- मौलिक संस्कार र संस्कृति भल्कने गरी चाडपर्व मनाऔं,
- सभ्य, शिष्ट र मर्यादित रुपमा चाडपर्व मनाऔं,
- असल आचरण र सामाजिक सद्भाव प्रवर्द्धन गरौं,
- एक अर्काको चाडपर्व प्रति सम्मान गरौं,
- अरुलाई नकरात्मक असर पार्ने गतिविधि नगरौं,
- धर्म संस्कृति र परम्परालाई सम्मान गरौं ।



नेपाल सरकार

विज्ञापन बोर्ड



छत्रपाटी निःशुल्क चिकित्सालय (अस्पताल)

"स्त्रीसुख सुलभ स्वास्थ्य सेवा सकसिया निति, असहायया निति जक निःशुल्क"

उपलब्ध सेवा

२४सी घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोतिबिन्दु
- स्तन सजरी
- नाक बान पाँटी सम्बन्ध
- हाडतनी तथा नाड सम्बन्ध
- जिवा किरकार पिशाच नसोको वनर सम्बन्ध

बहिर्गत सेवा

- मुटु रोग
- पेट रोग
- युरोलोजी
- स्त्री रोग
- बाल रोग
- मधुमेह रोग
- दन्त रोग
- मर्दान रोग
- जनरल मेडिसिन
- बर्ष तथा वीर्य रोग
- नाक बान पाँटी रोग
- जनरल हेल्थ चेक अप
- नाइरोडिड
- मधुमेह

मिनेन सेवा

- ट्रेसिङ
- इण्टेलिक्सीपी
- फोनोनीस्कोपी
- फिजियोथेरापी
- इन्टेलिक्सीपी, स्तर ट्रिप्लर र इको
- इन्टेलिक्सीपी स्तरको इन्टेलिक्सीपी
- टि.एच.टि. हल्टर



२४ घण्टा
इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३९६९३८, ५३५७९९९, ५३६६२२९